

## Lää'kk

### puäzzhåiddamlää'jj 44 da 45 §:n muttáz tuejjummšest

Ee'ttik-kää'dd tu'mmstõõgg meâldlânji  
*muu'tet* puäzzhåiddamlää'jj (848/1990) 44 da 45 §, nâkkmen go tõk liä 44 § pie'kken lää'jjest  
 285/2013 da 45 § lää'jjest 285/2013, puõ'ttinalla:

#### 44 §

##### *Mu'ttemooccmõš paalgâskââ'dd tu'mmstõõggid*

Puäzzee'žžed tu'mmstõ'kke obbžuurrâst puäzzvuä'mstee'jest lij vuõiggâdvuõtt sâttad suu  
 jiiijâs kuõskki ä'sš paalgâskââ'dd halltõõzz kiõtt'tõõllâmnalla. Paalgâskââ'dd halltõõzz  
 kiõtt'tõõllmõõžž älgg raukkâd koummlo peeiv mää'ttest tõ'st, go vue'ssnek lij vuäžžam teäd  
 puäzzee'žžed tu'mmstõõggâst.

Paalgâskââ'dd halltõõzz tu'mmstõ'kke obbžuurrâst puäzzvuä'mstee'jest lij vuõiggâdvuõtt  
 sâttad tu'mmstõk paalgâskââ'dd sâbbar kiõtt'tõõllâmnalla. Tãn älgg raukkâd keerjlânji  
 puäzzee'žžee'st koummlo peeiv mää'ttest tõ'st, go tu'mmstõk lij uvddum teättan 18 §:st  
 miârttum paalgâskââ'dd sâbbrest.

Paalgâskââ'dd sâbbar tu'mmstõ'kke puäzzvuä'msteei vuäžž äännad muttáz  
 vaaldsemvuõiggsest, jõs tu'mmstõk neu'rrad suu vuõiggâdvuõdâs le'be lij šõddâm vâagglaž  
 jiârgâst le'be mudoi lij lää'jjvuâsttsaž. Jee'res pie'kkin mu'ttemooccmõ'sše suâvldet, mõõn  
 vuõiggâdvuõttjââttmõõžžâst vaaldsemaa'sšin uvddum lää'jjest (808/2019) šiotteet.

Mii 2 momee'ntest lij šiottuom, ij kuõsk paalgâskââ'dd halltõõzz tu'mmstõõgg, koin jeäl  
 vuäžžamlââ'pp lij miõttum le'be keä'st ouddvuâsttmõšvuõiggâdvuõtt lij kuõddum ââ'nkani.  
 Puõccui vuäžžai vuäžž äännad muttáz jeäl vuäžžamlââ'v jõskkmõõžž da  
 ouddvuâsttmõšvuõiggâdvuõd âânmmõõžž kuõskkja paalgâskââ'dd halltõõzz da paalgâskââ'dd  
 sâbbar tu'mmstõ'kke ti'nt-a go 2 da 3 momee'ntest šiotteet.

#### 45 §

##### *Läittmõš Paalgâskoo'ddi õhttõõzz tu'mmstõõggâst*

Paalgâskoo'ddi õhttõõzz tu'mmstõ'kke vuäžž tõt, keän tu'mmstõk kuâskk, äännad muttáz tõn  
 vuâdald, što tu'mmstõk ij leäkku šõddâm ää'sšmeâldlaž jiârgâst le'be mudoi lij lää'jj le'be  
 õhttõõzz vuâkkõõzzi vuâsttsaž. Läittmõš tuejjeet Tâ'vv-Lää'ddjânma vaaldsemvuõiggisa.  
 Jee'res pie'kkin mu'ttemooccmõ'sše suâvldet, mõõn vuõiggâdvuõttjââttmõõžžâst  
 vaaldsemaa'sšin uvddum lää'jjest šiotteet.

21/2021

He'lsnest oddee'jjmannu 15 peei'v 2021

**Tää'ssvää'ld Preside'ntt**

**Sauli Niinistö**

Mädd- da meä'cctäällminister Jari Leppä